

اداره خانه

باب عالی جاده سنده دائره مخصوصه

آبونه سرائطی

ممالک عثمانیه ده سنه لکی (۶۵) ، القی  
آیلغی (۴۵) غروشدر . ممالک اجنبیه ده  
سنه لکی (۱۷) ، آلتی آیلغی (۹) فرانقدر .  
[ایضاحات : نسخه سی الی پاره ، آلتی  
آیلغی بر جلد ، هر جلد ۲۶ نسخه در .]

اخطارات

- § آبونه بدلی پشیندر .
- § آدرس تبدیلنده قرق پاره لک پول کوندرملی در .
- § مسلکه موافق آثار مع المصنویه قبول اولنور . درج ایدیلمه یین یازیلر اعاده اولونماز .

# سرایطی آبونه

سرایطی آبونه ۱۳۳۰

دینی ، علمی ، ادبی ، سیاسی هفته لق مجموعه اسلامیه در

عدد ۲۵۱

۲۸ رجب شریف ۱۳۳۱

پنجشنبه

۲۰ حزیران ۱۳۲۹

جلد ۱۰

اخطارات

رساله مزردن آلتدیغی کوسترملک شرطیه  
بتون یازیلر ه هانکی بر غزته طرفندن  
اقتباس اولونه بیلیر .

§

مکتوبلرک ، امضالرک واضح و اوقوناقلی  
اولسی و آبونه صره نومروسنی محتوی  
بولونمسی ؟

§

ممالک اجنبیه ایچون آبونه اولانلرک  
آدرسلرینک فرانسزجه سی ده یازاسی ؟

§

پاره کوندرلدیکی زمان نه په دائر اولدیغنک  
واضحاً بیلدرلمسی رجا اولنور .

طرفه کيلك طرز محاکمه و تلقیبری بیننده تفاوت بواندینغی قبول ایتمک لازم کلور .

اهمیتسنر بعض کچک نقطه لردن ماعدا بر انتقاد ایشتمدکلرینی او طرف علماسنک بودر لومباحث علمیه ایله اشتغاله وقت بوله مادقلرینه حل ایتمکده معذورم .

اهل سننه قارشو تشنیع ایله صدد خارجه چیقماملرندن فائده عظیمه مشاهده ایدلسنی قوه اقتاعیه لرینک تأثیرنی نقطه نظرندن بر فائده شخصییه اولسه کر کدر ؛ یوقسه مدافعه لریمزده مبسوط مسائل کاهی حقها حل ایدلمکجه بر فائده علمیه حصواتی استبعاد ایدرم .

عالم اسلامجه دین مسیحینک قواعدی تفصیلاً معلوم اولمادیغی جهتله کتب کلامیه اسلامیه ده بیله مباحثات خلاقیه پک زیاده تحدید ایدلمشدر ؛ خطبه لریمز آنلره بو باده رهبرک ایده جکندن کندی اسانلرینه ترجمه ایدلملری ایچون احبابکزه صلاحیت و یرمه لری ممنونیت بخشدر . بزده بو مساعده لرندن مستفید اولانلردن بز که مدنیتک قواعد اربعه اصلیه سنی نشر ایله دکل ، بلکه اون اوچ عصر اول نشر ایدن بر دینه انتساب ایله مباهات ایتمکده بز ، صدر اسلامدن بری معابد و مدارس بزده مباحث دینییه کمال حریت ایله جریان ایده گلشدر . حتی بو کون بیله درساعات و ولایاتده کی مدارس و مساجدده فرق مختلفه کلامیه حقنده حریت تامه اوزره مباحثات اجرا ایدلمکده در . ایشه کوربیورسکنز که شو محیفه لرده دخی طرفینک افادات کمال مرستی ایله جای قبول کورمکده و بتون عالم اسلامک کوزی اوکنده جریان ایتمکده در .

ای محترم فاضل ا طرز بیانمز حقنده ابراز بیوریلان قدر شناسلقدن طولایی تشکر ایدرز . ا کر مدافعا تمزده رضای باری به موافق صورتده اداره لسان ایده بیلمش ایسه ک مجرد جناب حقک لطف و کرندندر ؛ هدایت هب اوندر .

کدک باشا ۱۶ حزیران ۳۲۹

محبکمز :

ولدا سیدی نهبری وموطناً استانبولی

محمود اسعد

هنرستانه اخبار مخصوصه :

هند یوانده

۲۷

عمارته نک اوزاقدن کورونیشی تمایله ازبیره مشابه ایدسه ده ، ازبیره کی کوزل قهوه خانه وهوتلارک بری بوراده بو قدر . عماره سنجاغی شمالاً بغداد ولایتی . جنوباً بصره سنجاغی . شرقاً ایران حدودی ، غرباً منتفک سنجاغی ایله محدود اولوب ، تقریباً طولی فرق آلتی و عرضی یکریمی ایکی ساعتمدر .

انهار و صباه . — دجله نهری لوانک وسطندن مرور بو نهردن اوراده متعدد وجسیم انهار تشعب ایدوب ، هربریسی آرو آرو پک چوق جداول

وانهار صغیره به منقسم اولور . طوغریدن طوغری به دجله دن سو آلان بو نهرلردن ماعدا دویریج و طیب نامنده ایکی نهر دهاوا درکه ، بونلر ممالک ایرانیه ده . واقع ( پشتکوه ) نام طاغدن نبعان و عماره به طوغری جریان ایدر . بو انهار وجداولدن عمارته نک جهت شرقیسنده بولانلر حوزمه و عماره آراسنده کی هوره و جهت غربیه سنده اولنلر جزایر و عماره میاننده کی هورلره منصب اولور .

لوانک جهت شمالیسندن مرورله ممالک ایرانیه به سمت اولان جلدن ماعدا داخل لواده طاغ اولدیغی کبی چایلیق و سازلقدن ماعدا ذکره شایان اورمانی دخی بو قدر .

لوانک هورلیق و بطاقتی محللرندن ماعدا عموماً هواسی یابس و صاغلام اولوب حیادتی مشهور و حفظ صحته خادمدر .

### حیواناتی

— لواده آن . قیصران ، بارکیه ، قوبون ، اینک و مانده کی حیوانات پک چوق اولدیغی کبی هورلرده کلیتلو اسماک و طیورمائییه بولنور . لوانک هر طرفی سو و بطاقتی ایله محاط اولق جهتله حیوانات وحشییه مقفود حکمنده در .

### محصولات ارضیه سی .

— عماره ایچنده آقان انهار عدیده دن اسقا واروا اولمقد . بولندیغی جهتله صولری کثیر اولدیغندن ، اراضیسنک قوه انبیه سی هر نوع محصول یتیشدیرمه ک مستعد اولوب ، مزروعاتک باشلوجه سی و تجارتنک مدار اعظمی چایکدر . باغ و باغچه لری بالکنز مرکز لویه منحصر اولق جهتله سبزه و میوه لری احتیاجات محلییه انجق کفایت ایدر .

### وسائل نقلیه سی .

— لوانک وسائل نقلیه سی علی الاطلاق کمی ، شعرف ، برکش ، وانک ، مهبله ناملریله معروف سفای صغیره به منحصر در .

### تقسیماتی

— سنجاغی : عماره ، زبیر ، دویریج ، شطره قضا لرندن مرکب ومع عشائر مجرد و غیر مجرد انات و ذکور اوله رق تقریباً ایکی یوز اللی بیک نفوسی شاملدر . لوانک عموم سکنه سی چلتیک ذراعنیله مألوف عربان و عشایردن عبارتدر .

عماره قضای : مرکز لوا اولان عماره قصبه سیله علی الغربی و علی الشرقی و مجرد صغیر و مجرد کبیر ناملریله معروف درت ناحیه دن مرکبدر .

عماره قصبه سی : دجله نه رینک ایکی یاقه سی اوزرنده واقع دل آرا ، فرحزرا بر موقع اولوب ، دروننده بر حکومت قوناغی و عسا کر نظامیه به مخصوص برقیشله ، برانغ افغانه ، برکک ، بر مکتب رشدی و ابتدائی ، بر جامع و دزکاه و تقریباً ایکی یوز دکانی محتوی برچارشو ، اوچ حمام و بیک بشیوز قورکار کبیر خانه و قامیشدن معمول برچوق حریفه — سازلی قولوبه — ذکوروانک اوله رق تقریباً طقوز اون بیک نفوس واردر . عماره ده وقتیه اراضی سنیه — که خاقان سابقه طاند اولوب ، صوکره حکومته انتقال ایدر ، اراضی دورده تسبیه اولمشدر — نک ملکی اوله رق برچوق مقابله ل واردرکه وارداتلری بویوک بریکون تشکیل ایدبیور . اراضی — مذکورنک وارداتی ایسه حال حاضرده خزینه یه طاند ایدسه ده ، اموالین مخصوصه طرفندن ادا اولمقدده در . دور سابقه ، بورایه کن متصرفلره ، اموالینک هربری مقاط لک احاله سی یوزندن رشوت و ارتکاب سایه سنده برچوق یا قزاندقلری هرکسجه معلومدر .

### بنی لام عشیرتی .

— عماره اراضیسی داخلنده ایکی بویوک قبیله اقامت ایدبیور . بنی ( بنی لام ) ، دیکری ده ( آل بو محمد ) در . بنی لام عشایری عماره نک جهات شمالیه سیله ، دجله نطنک ایکی ساحلده اوقاتکندار اولوردر . بولندقلری اراضینک حدودی بغداد ولایتنه تابع اولان ( ام الحنه ) دن ( بتیره ) به قدر امتداد ایدر . بتیره عماره دن سکنز ساعت اوزاقدن . بوقبیله کنندی نسبلرینی ( بنی ربیع ) به قدر چیقاریبیوردر . اللرنده غایت کیش

اراضی وارد در . زراعتی ده هب صیفی در . اک زیاده اکدکاری شی آرپه ،  
بفدای ، داری در . درت آیاقلی حیوانلری ده اوکوز ، قویون ، دوه و آندر .  
آیلیری ده چوقچه در . بوقیله نك برچوق فرادی وقتیله ایرانه تابع عربستانه  
مهاجرت ایدرک بو آیه قدر اورالده اختیار توطن ایشلردر .  
بنی لام قبیله سنك حال حاضرده کی اک بویوک شیخلری ( غضبان بن بزه  
بن مزیان بن مذکور بن جنیدیل ) و دیگر شیخلری ده غضبانك عمجه زاده سی  
( قهد ) در . قبیله مذکور آتیده کی شعبه لره تقسیم اولمشلردر :

|            |        |      |          |
|------------|--------|------|----------|
| حیتای      | جمیتری | ۳۰۰  | کیشیدر . |
| دلای       | »      | ۷۰۰  | »        |
| رویشد      | »      | ۸۰۰  | »        |
| حمیس       | »      | ۳۰۰  | »        |
| بیت جنیدیل | »      | ۲۰۰  | »        |
| الرحه      | »      | ۲۰۰  | »        |
| الطمان     | »      | ۲۰۰  | »        |
| بنی عقبه   | »      | ۴۰۰  | »        |
| جناحه      | »      | ۲۰۰۰ | »        |
| کعب        | »      | ۳۰۰۰ | »        |

بوندن بشته بنه بنی لام قبیله سنه اوتهدن بریدن ، اصل کنندیلرینه نسوب  
اولیان بش آلتی بیک کیشی دها التحاق ایدرک ، مذکور قبیله به انتساب ایشلردر .

**آل بو محمد عشری** . — بو طائفه نك بویوک جدلرینك اسمی محمد

اولدینغی جهته عشرتیرینه ده بونام ویرلمشدر . جدلری وقتیله (لولو) ، (غضب) ،  
(شداد) ، ( فرج ) ناملریله درت اولاده مالک ایدی . بو درت کیشی به  
انتساب ایدن قبائلده شیخلرینك نامیله توسیم ابدلمشلردر . مثلاً شداده وفرجه  
منسوب اولانلر ، ( شده ) ، ( فریجات ) دیدکاری مثلاً ، لولو وغضبککیرله  
( بیت لولو ) ، ( بیت غضب ) دیرلر . بو عشریت سابقاً بنی لام آبساع  
واقصاردن اولدقلری حالده ، اخیراً انلردن آریلوب عددجه ده آنلره فائق اولمغه  
باشلایره رق دائماً بنی لام ایله مضاربه و محاربه ایشلردن ده کری قالیورلر . بو  
عشرینك شیخلری ایسه بک زنکین وصاحب ثروت کیمسه لردن ایسه لده اخلاقاً  
اوقدر ثنا وستایشه لایق دکلدلرلر .

بیردند قورفوه قدر شطک . دجله نك هراییکی شرقی وغربی ساحلرینده  
بو آل محمد اقامت ایدیورلر . علی العموم بو عشریت افرادی چلتیک زراعتیله اشتغال  
ایدوب مواشی یشلندیرمکه اوقا کتکار اولمقده درلر .

آل بو محمد عشریتندن اولان بیت لولو قبیله سنك جمعی آلتی یوز نفردر .  
بیت غضب : جمیتری ۵۰۰ نفر اولوب شیخلرینك اسمی ( صحن ) در .  
شده : جمیتری ۲۰۰۰ نفر اولوب شیخلرینك اسمی جوئلدر .  
فریجات : جمیتری ۱۰۰۰ کیشی در .  
فوافل : جمیتری ۵۰۰ کیشی در .

**آل بو محمد تابع اولان طوائف** . — فرطوس : جمیتری

۱۰۰۰ ، شیخلری جوئلدر .  
بیضان : عددلری ۲۰۰۰ شیخلری ده کزار وکازدر .  
آل بو جویر : عددلری ۱۰۰۰ نفردر .  
آل بو زیت : » ۵۰۰ »  
آل بو سلیمه : » ۸۰۰ »

بیت توره : بوقیله آل بونجم ، آل بوصافی ، آل بو عبید ناملریله اوج قوله  
آریلوب ، عددلری ده ۹۰۰ کیشی به بالغدر .  
بیت شیخ حمود : عددلری ۶۰۰ و شیخلری ده محمد و حمداندر .  
آل بو صالح : » ۲۵۰ و رئیسلری عبده المحسندر .

آل بو علی : » ۳۰۰ در .  
آل بو عبود : » ۲۵۰ در .  
آل بو دراج : » ۲۰۰۰ اولوب کاه آل بو محمد ، کاه بنی لامه  
اتباع واتباع المیورلر .  
آل زبرج : عددلری ۳۰۰۰ در .  
سودان : » ۲۰۰۰ و شیخلری محمد وحسندر .

**آل بو محمد مشهور مشایخلری** . — عصمان وزبون : بيسرک  
اولادی وصیه ، دك عمزاده لری درلر . محل اقامتلی شطه و دائماً بونلر صیهودك  
علیبنده درلر .

عربی خلیفه : وادی اوغللری وصیه ک برادر زاده لری درلر . بونلر (حیله)  
مقاطعه سنده اقامت ایدوب صیهود ایله آره لنده منافست و منافرت واردر .  
بوتون عشریت رئیس منشد اوغل صیهود اولوب ، بالجه کوچوک شیخلر  
بوکا عرض مطاوعت ایدیورلر . صیهودك ، فالخ ، حاتم ، هاشم ، عبدالکریم ناملرینده  
درت اوغلی واردر که آل بو محمدك مشایخندن صاییلیورلر .  
عماره لواسیله منتفک لواسی داخلنده کی قبائل و دشایرک — آل سعدون مستثنا  
اولقی اوزره — جمله سی شیعی المذهبدرلر .

**بنی لام مقاطع لری** . — جزیره : اون بش پارچه اولوب ، دجله نك

ساحل شرقیسنده واقدر . حکومت - نوی سکز بیک لیرا ایله بو مقاطعه یی  
التزام و بریور .

علی الشرقی اراضیسی : اون یدی پارچه اولوب ، دجله نك ساحل شرقیسنده  
وبدل التزامی کیتلو آنچه تشکیل ایدر .

علی الغربی مقاطعه سی : اون آلتی پارچه اراضیدن عبارت اولوب ، بدل  
التزامی سنوی ایکی بیک لیرادر .  
شامیه وشومیه : بویکی مقطعه دخی دجله نك جانب غربیسنده واقدر .

**آل بو محمد مقاطع لری** . — حیله مقاطعه سی : عماره نك جانب

شرقیسنده واقع بویوک بر نه درکه دجله نك عادتاً بر قولنی تشکیل ایدیور .  
جرایه ، شرموخ ، ام الطوس ، طحامه ، خر ، حامی ، حسیچی ، عدل ، زبیر  
ناملریله بویوک و کوچک مقاطعه لرک جمله ی اراضی مدوره دن معدود و سنوی  
بدل التزامی اوتوز بیک لیرادر .

شط مقاطعه سی : بو مقاطعه دخی بطاط ، مریی ، بحیره ناملریله مسمی بر قاج  
مقاطعه درکه ، عماره نك جانب شرقیسنده واقدر . بودخی املاک مدوره به عاند  
وسنوی التزام بدلی اون ایکی بیک لیرادر .

بحیر کبیر مقاطعه سی : بودخی ام الارانب ، بحر صغیر ، حشریه ، بیجات ،  
ام الحنطه ، وادیه ناملریله بر قاج پارچه دن مرکب اولوب املاک مدوره به عاند  
وعماره نك طرف غربیسنده واقدر . سنوی التزام بدلی ایسه اوتوز بیک لیرادر ،  
برده حنیره ، کسره ، شطیره ناملریله اوج مقاطعه واردر که بودخی املاک  
مدوره به عاند و سنوی بدل التزاملری سکز بیک لیرادر .

عماره لواسنك وارداتی سنوی ایکی یوز بیک لیرایی متجاوزدرکه لایقیله بو  
اراضی فلاحین وزراعه توزیع واعمار ایدلمسته حکومت دقت ایده جک اولورسه  
میلیونلرجه لیرا واردات حاصل اوله جدر .

**عمارهدره معارف** . عماره ده یکیدن ( الجامعة الاسلامیه ) عنوانیله

جعفری المذهب اولان اشراف محلیه طرفندن براب مکتب کتاد ایدلمش و مکتبی  
اعانله اداره ایچون برده جمعیت تشکیل ایشلدر . پروگرامنی لفاً تقدیم ایدیورم .

س . م . توفیق : عماره :